

- Regia plebeia voce trophea sonant.
 Arserat in dominum manus impia, serva simultas,
 Contio dedignans, marte, furore, dolo.
 Confluit ad facinus servilis copia, virus
 10 Evomit in natum pernicioſa domus.
 Raro mellificat taxus, dulceſcit acetum,
 Frondet hiems, floret bruma, cicuta ſapit.
 Nescit in illuſtres humilis miteſcere: parce,
 Percutit; impelle, ſtat; reverere, tumeſcit.
 15 Inſtrue, contempnit; blandire, minatur; honora,
 Inſidiatur; ale, diſſipat; odit, ama.
 Da, dedignatur; dita, damnat; cole, calcatur;
 Tolle, tumeſcit; fallit, fide; tuere, premit.
 Tales ſunt, Willelme, tibi, quos inter haberis
 20 Princeps, principio conſona turba ſuo.
 Pullulat in ſobolem primevæ ſtirpis acetum,
 Contrahit a nocuo patre nocere domus.
 Non nequit eſſe nocens aquilonis filius, immo
 Contrahit arthoa de regione malum,
 25 Dumque locale loci labes denigrat, utrumque
 Polluit innatæ plenior olla luis.
 Hinc furit in regem rea concio, bella minatur,
 Quis armat dextram miſſile, pero pedem.
 Proceſſit pannosa cohors, plenoque minarum
 30 Gutturæ magnificat ſequæ ſuumque genus.
 Nobis debetur regio! quis enim neget? ergo
 Serviat indigenis regia juris ope.
 Rura patrum proles petimus, ruſ advena vilis
 Deſerat, et patriis bobus aretur ager.
 35 Exulet hinc exul, iterum ſeu marte probetur,
 An deceat Scottos Scotica terra ſuos.
 Magna minis mandant, bello nichil; ergo movetur
 Rex, et in hoſtilem preparat arma manum.
 Regis ad auditum nomen ſtupefacta caterva
 40 Diffugit, inſequitur hanc galeata manus.
 Fit lepus ad lites belli, qui voce leonem
 Expreſſit: magnus murmure, marte nichil.
 Ceduntur, ceſique cadunt, moriturque cadentum
 Turba, ruinoſo turbine, digna mori.
 45 Sic tibi ſtet regni regimen, rex optime regum:
 Tempus in æternum ſit ſtatus iſte tenax!

Hic incipiunt verſus de Melros.

Vix ſolet eſſe gravis res, quam levis edidit auctor,
 Annus enim titulos impetrat, arſque ſilet.
 Barbari cupere, cum ſit reverencia barbae;
 Sed pilus in mento quid ſine mente? nichil.